



17291

I

Mag. St. Dr.

P

Dan Moscovitae

*Vitellii Jacobi: Eptendium in celeberrima
inauguratione Vladislav II.*

PANEG. et VITAE

Polon. 4^o

1115

Biblioteka Jagiellońska



stdr0002083

EPINICION

In Celeberrima inauguratione,
SERENISSIMI ET INVICTIS-
simi Domini

D. VLADISLAI IV.
REGIS POLONIÆ &c.

SVECIAE HÆREDITARIÆ, &c.
ELECTI DVCIS MOSCHOVIAE.



A

IACOBO VITELLIO ELO-
quentiæ Professore in Academia Cracouiē.
Tyliciano, Canonico ad Eccle-
siam S. Annæ.

C R A C O V I Æ,

Impensis ex fundatione Generosi Domini
BARTHOLOMÆI NOVODORSKI, S. Ioannis
Hierosol. Equitis Melit. Cōmendatoris Posna-
niē. olim S. R. M. Aulici.

QVale in Cælo simulachrum
fui Deus Solem & Lunam
infixit, tale in Ciuitatibus e-
ius exemplum est atque lu-
men Princeps. *Plutarch. ad Prin-
cipem.*

17291 I



Duodenarius I.



*Agne JAGELLONIDES, lux
Sarmatiae armipotentis.*

Saeculo narrande in omni

Christiadum columen,

Septemtrionis lauta spes.

Perfugiumq; Tuae

Diuinitus ex malefidâ sorte nunc

vindicanda, à fulminibusq; tuende

Threyciis patriae,

Nate auspicator; sanguis, &

infusa virtus, germine

Regum potentum,

Duodenarius II.

Aemula stirpsq; Deorum.

prendis ubi dominantis

Imperii latè arduos, &

munere difficiles

fascēs, Senatus calculis

Lechiadum & populi

ardentibus unanimi sententia

expetitus suffragiis: diadema

indigerisq; DEI

quando manus sacra in Tuum
R E X Magne ponit verticem
Europa in omni

Duodenarius III.

Didite, nobilibusq̃
Maxime in orbe triumphis.
Hoc tibi fortunet ille
qui imperio populos,
ipsosq̃ Reges, arbiter
Legibus iisdem agit at:
qui satiferum hostibus effecit Tuum
Nomen. Et sublimia flectere tantis
sceptra dedit manibus;
ac gentium victricium
una regendas credidit
per sancte habenas,

Duodenarius IV.

Verane censuerim, quae
fabula Achaica sparsit,
creduloq̃ affinxit orbi;
caelitonante manu
Reges Nilveque, Iouem
Fabula Et excubias,

Et quic-

Et quicquid amico animo prestari opus
Commodorum, Regibus, omnia ab aula
Siderea Superum
prestare, Et offerre affatim:
his liberalis Iuppiter
est Promus ipse.

Duodenarius V.

Gracia sed populosis
hoc recinat triuiis, quo
mobilem palpet popellum
farciat Et fatuos
gerris ineptis circulos.
Edite de Proavis
tu Regibus, ac veluti Diuis, quibus
aeterna hoc imperium monumenta,
Non abolenda situ
iniurioso temporis,
in finibus fixit suis
fama perenni.

Duodenarius VI.

Quicquid enim Venedico
Nereus, allunt aestu:
Corniger quocumque tandem

saxifragos Hypanis
fluctus remugit, limites
quoué Borystheneos,
natura Deusq̄ futuri haud inscius
iecit, & Dniepri equore frena cruentis
Thracibus imposuit:
Huc usque, & ultra hæc amplius,
æternitas sanctissimis
vestris trophæis

Duodenarius VII.

inclita signa locauit.
Gloria Sarmatis ore,
ultor, & vindex ferocis
hostis Hyperborei;
Panopliâ ex cæli, data
Parmula sancta Lachis. rant
Rex Magne, quot agmina nos cōstrinxerunt
usque & usq̄ atrocia, feta malorum:
namq̄ procelliferi
cum Moscæ hinc, hinc Bistonum
nimbi furentes, acriter
nos opperirent.

Duode-

Duodenarius VIII.

Insidiosè & ahenò
 (quidlibet audet enim hostis)
 fœderum nexu reuulso:
 Cùm equoris ille furor
 Vrbes profanaret, Deum
 vis inimica suis
 probrosè adytis prohiberet, polluens
 Harpyia incestâ impietate penates
 Celicolum, omne nefas
 agris Prutenorum allinens,
 Cùmq; oppidanos Balthicus
 Verres recenti

Duodenarius IX.

Verreret arte: Tuis tunc
 auxilijs, animosus
 Lechus, oppressit nefastas
 fœdisfragum furias.
 Vernante namq; etatula
 Aureolo atque iuuen-
 te flexu, alacer pavidis in rebus, ut
 affores prestò patrie, hæc tua semper
 sollicitudo fuit:

Vladislao-

Vladislavorum nomini ut
felicior multis modis
longè præires.

Duodenarius X.

Splendidus ille Tuæ flos
pubis, & insoliti æuum
incapax olim laboris,
dura per omnia ijt :
ætatis & lentos gradus
præpete Curriculo, ac
Penna celeri anteuolauit Martius
mentis inuictæ ardor, & inclyta virtus.
Moscuæ prima Tuam
cognouit armis indolem :
Cum fracta, victoris iugum,
legesque, nutans

Duodenarius XI.

Quamlibet (ut populo illi
mos) tulit; atq; Tuos si
mente non leua triumphos
Colligit, & meminit
tecumq; pacti federis:
si volet & Fidium

turpi

turpi temerare dolo , ac periurio,
obligata & conscia sydera dextra;
fedi fraga arma Tibi
ultrò inferat, permisceat
Terrasq̃, Cælumq̃, vsspiam
& quicquid aufit :

Duodenarius XII.

Tempus erit sua quando
pectora , Consiliorum
penitudo planget acris.
Namq̃ diu varians
Cuniculosa hec natio ,
& scelerum fabricis
periura , sacerrumaque,inquam non diu
fraudibus gaudere potest , ut iniquo
ore polum atq̃ solum
incestet, olim & gentibus
ut grande inhalet noxio af-
flatu venenum.

Duodenarius XIII.

Perfida ludis! an illud
excidit, haud meministi?
Cum potens armis virisq̃,

robore belligero
Vladislaus Rex, fulmina, &
omnicremas Tua cir-
cum tecta domosq̃, procellas funderet,
atq̃ haberet pabula sanguine largo
flamma peruncta; & ubi
indagine acri cinxerat
urbes, & aratas agris
longè Phalanges

Duodenarius XIV.

Struxit; apum numerosas
ac velut aura Cohortes,
dùm calet, mellisq̃ stillans
Conglomeramina ros,
inuitat: atq̃ examine
floreæ rura frequen-
ti insternit, agris opulentam quæ vehunt
in domos prædam, & spolia ampla ab Hy-
agminibus Comitum (metho.
sic ambiit lectissimis,
terrasq̃, tractusq̃ impios,
Rex Marte fortis.

Duo-

Duodenarius XV.

Tunc quatit ariete crebro
igniuomisq; tuborum in-
sultibus muros, reuellit
Cardinibusq; suis
postes ahenos urbium :
fit via vi, subito
iam flamma vorax cinesecit diuitis
Moscuæ tecta, hausit opes, hominumq;
perfugia igne suo
ambussit, agros fertiles
Confecit horrendâ fame
Et vastitate.

Duodenarius XVI.

Turrigeramq; Smolenscum
tertia bruma premendo
Candefecit, tertiūmq;
sole recocta Ceres :
dum pertinax multum suis
fidit in aggeribus,
plenâ trieteride nec mollescit, ac
ludum habet: murosq; suos adamante, Et
quolibet ære putat

robustiores; concidit
atrâq; sensus obruit
stultos, fauillâ.

Duodenarius XVII.

Machina sulphureo nam
fulmine fetaq; flammis,
disceat ferrata claustra;
vulnificisq; volans
circum procellis, omnibus
luce oculisq; palam
ostendit in hoc documento, quo loco
peruicax mens, atq; superbia sistat:
nam brevis hora, opibus
quas longa vix struxit dies,
suffecit à Mauortiâ
dextra eruendis.

Duodenarius XVIII.

In Cinere interea se
Moscua querit, & altum
Ingemens, serò licetq;
excutit ex oculis
nubem, quid errarit videt.
queritur haud tacitè

effron-

effrontem Epimethea : nec rebus suis
quas ferus clade hac superesse volebat
Mars, aliter melius
agnoscit, immò & tutius :
Victoris ad clementiam
procumbat, istos

Duodenarius XIX.

Quæis hera Martis alumna ,
flammâ , acieq̃ , pepercit,
supplices Victor ne spernat.
Fasne, nefasne, foret:
error, scelusne, an quidpiam ,
discidijs animos
quod talibus imbuerat, censendum erit:
eluit largo imbre Cruor , sed enim ultra
rebus opem miseris
deposcimus, sic inquit
Rex Magne , iurantq̃ in simul.
Consentienti

Duodenarius XX.

Voce, animisq̃ Ducem Te
maximum Hyperboreæ pro-
nunciant ora, suisq̃

legibus, & populis
Te Principem natum asserunt.
Vt libet ergo fide
fluxa, ambiguis studijs, stulta, & ferox
mobilis vulgi leuitas agat, atque
perfida congeminans
nunc factioso classica
motu accinat, cogatq; vim
quâ te lacessat;

Duodenarius XXI.

Nisibus hæc cerebrosis
nil nisi funera genti
& graues luctus refingit.
Ceu Aquilonis enim
cùm flabra glumas aræ
insiliuntq;, rotantq;:
aut molle pecus validâ postquam Leo
Corripit malâ, generosior illa
vis Tua Magnanime
Rex, Moscæ sic proteret
Vim, consilij quæ nescia
damnosa semper,

Duode-

Duodenarius XXII.

*Viribus atque suis se
subruit, haudq̃ superbos
pronehit fortuna fastus.
Quin etiam ipse DEus
dextram impiatam Crimine
sacrilego, omnigenis
torpere, timere facit sub Casibus:
defluent mox arma manu, leporesq̃
Sarmaticas aquilas
illi expauescent: ut simul
illis cum ages Rex optime
iniuriarum.*

Duodenarius XXIII.

*Obstupuere tuarum
militiam legionum
Thracie striges, vel ipsum
incicurable mon-
strum Osmanus, atrox sanguinis
ac fera hirudo, in agros
dum vredine precipitaret Lechia,
mille tercentum amplius atq̃ Colubros
Sarmatie excidio*

secum

*secum attrahens, famosus hic
regnisq; damnosus, graui
praester veneno.*

Duodenarius XXIV.

*Quàm numerosa locusta
prata ubi roscida tondet,
aut quot eruce, feraces
dum populantur opes
hortorum, honorem veris aut
ungueq; denteq; ubi
Es vellit, Es ambedit, acer frondium
bruchus extirpator, Es esuriens quot
millia Curculio
infesta structis excitat
non raro aceruis, farris ar-
rosor malignus.*

Duodenarius XXV.

*Millia de attegijs tot
Bistonidum euoluuntur,
tot cruori nostro Echidnae,
adglomerant prope
exhauirendo, o patria, o
Lechia sacra domus*

Diuorum,

*Diuorum, & acerbus apellarum furor
Thraciæ effundet feritatis habenas?
& tua Menaliâ
ut setiger de syluâ aper
frendens nefandûm, consita
vineta cadet?*

Duodenarius XXVI.

*Sed mihi cernere Erynnes
iam videor recutitas,
atque Chocimi profanâ
polluere arua lue.
iamq; ecce sub conopeis
vis inimica furit,
latratibus illicitis, irasq; iam
asperat, iamq; eripuerè serenum
tela diem, ipse polus
exhorruit, cum Dacie
porrecta camporum equora,
monstrorum inundant*

Duodenarius XXVII.

*Elunie, ipse ferali
horridior trabea, ipse
eminens fastu locog*

editiore, oculos
exterret Osman, ceu fera
esurie, & rabie
incensa, in ouilia spectat, nec suam
sperat expleri ingluuiem, nisi rictu, &
fauce famente, greges
sub matre ballantes, pecus
innoxium, nec conscias
fraudis bidentes.

Duodenatius XXVIII.

Dilaniet, catulisq;
sanguinolenta cruentis
pabula ut non differantur.
esurie simili
impastus arsit Thrax. Sed hanc
Ventris edacis Hyenam
in Lechiacis, (caput adiurat ferum)
velle castris, se eximere, haud aliter fas
inquit: & innumera
armat lanistarum agmina
lauernionem qui trucem
fortissimorum

Duode.

Duodenarius XXIX.

Aggeribus superatis
Lechiadum, igne, manuq̃,
expleant fuso Cruore:
indomitis subito
non dispares Euris, gradum
corripiunt, odiis
feruens furor exstimulat, dirumpitur
Osman, immani inuidia, atque dolore:
iam validis opibus
ausuq̃ magno, horrentium
grandi tuborum cum impetu,
nitrato & igne,

Duodenarius XXX.

Nostra statuta reuellit,
aggrediturq̃ nefando
impetu ac seuo, usq̃ & usque.
Phosphorus Oceano,
agré extulit currum aureum,
lampade Phæbigena
accensus: & æther amicâ vix agros
luce perfudit, ferus illicet iras,
funereasq̃ ciet.

formidines, rursum acrior,
torrentis instar cum alueo
erumpit, agris

Duodenarius XXXI.

Inuidiosa, satisq;
perniciēs; neq; fessis
rebus, hora illuxit vlla,
quin ageret magis, &
urgeret ausus impios.
Illachrymabile iam
nos exitium prope viuos hauserat :
non procul letho Osmanijsq; catenis
abfuimus : patriam
iam funeratam fulmine
& fractam ab isto, haud amplius
victuram, ad omnes

Duodenarius XXXII.

Credula fama susurris
detulerat populos; sed
æthere ex alto optimus, nè
hostia Bosphoreis
essemus vnquam belluis,
Calipotens vetuit.

Rex

Rex magne, animumq; marē instillauit,
Dexteram fortem Tibi, belligerisq; (Et
annuit ipse viris:

virtute, fortunâ, tuâ
Et ferro, Et audaci manu, ut
contrâ manipulos

Duodenarius XXXIII.

Odrysie improbitatis
exiliant animosi.

inde seruata triumphum

Optime Rex Patrie

Et quicquid vsquam Sanctum erat
quadrupedante fero,
hostilibus Et pedibus calcandum; habes
eius erepti ampla trophæa Tyranno.
eximium illud erat

spectaculum REX inclyte;

Cum Prodigus vite Tue

Duodenarius XXXIV.

Cornipedem insilis, ille

Aurea frenâ remordens:

sternuit crebrum, luposq;
permolit, Et caput huc,

c 3

illuc-

illucq̄ motans, inquires
subsilit, atq̄ Tuos
iucundo animat Ducis obtutu sui:
non leuissq̄ augur memoranda trophæa,
Threijcio hoste super
edicit, euentu optimo,
ceu temporis non inscius
esset futuri.

Duodenarius XXXV.

Facta nepotibus isthæc
non reticenda adamantæis
laminis sculpentur, olim
ferrea Bistonidum
Cervicibus quod patria
vincula, magnanimus
(ut contudit armiferum Vladislaus
Bosphorum,) Rex depulit, & dominatu
Barbarico prohibens,
securitatem Lechia,
atque auream, agris, urbibus,
pacem reuexit.

Duodenarius XXXVI.

Quando cruenta sacratis

signa

signa tholis, & ad aras
Stanislai sancti, sarissas
Bosphoreum usq; modo
largè pluentes sanguinem,
posthuma posteritas
Mirabitur: hæc spolia ex Otthomano,
Thracie dicet monumenta & halosis,
fixit ac imposuit
Vladislaus fortissimus,
& pacis & Mauortia
Rex arte pollens.

Duodenarius XXXVII.

Cumq; domi haud mediocri
dissidio, patriæ res
fluctuarent, atque ventis
dissociabilibus
hinc inde pulsæ, non procul
nausfragio, & scopulis
essent; etiam attonitis ob Maximum
navitâ amissum, & metuentibus æquor
remigibus; nec adhuc
tantis gubernis quem Deus
clauoq; tractando bene,
vellet præesse,

Duo.

Duodenarius XXXVIII.

Scitum erat, at studijs &
 dissilientibus in se
 partibus contrarijs, ob
 religionem ubiuis
 ferueret æstus Ciuium:
 iamq̃ suam haud aliter
 quàm cernere ferro, acieq̃, optant fidē:
 dùm palàm dextris quatiūt lateri arma
 pendula, nec sibi cor,
 sed nec manus torpedine
 sic congelasse, & nec suum
 extremè hebetem

Duodenarius XXXIX.

Esse animum, ut fidei nil
 (cogat ubi vltima rerum
 sors ad istud) vel cruore
 gratuito, atque opera
 litare nolit quilibet.
 sanctæ ubi sic fidei
 hinc sollicitè, hincq̃ fidebus ceteris,
 (unico nam dicere quis numero ausit
 Protea sic varium

vultu)

vultu) fidebus ceteris,
postquam allaboratum est graui
Contentione.

Duodenarius XL.

Ancipiti Patria ut nè
pressa malo, exitialem
litium. messem ruinam
acciperet, metuens
non nemo prudentum fuit.
credulitas etenim
hec, & varians miserè, & secum in dies
dissidens: morbum cerebri arguit, atque
saluificam panacen
cum despuit vis hac mali,
affatu & ipso noxia
vertigo, postquam

Duodenarius XLI.

Vrbibus in populosis
inualuit, rotat extemplò
& profana, & sacra, utrosq;
atque poli atque soli
confundit axes, susq;, deq;,
omnia miscet, agit,

d

& Claf

Et Classica personat, haurit sanguinem:
atq; habet pensi nihilum, in Cineres vel
Pergama dissoluât;
pulchrisq; tectis urbium
acriter ignis edax
bachetur; ista

Duodenarius XLII.

Commoda sunt cerebrosis
Maxima, prima, fidebus.
hec ut infrenis lares ne
stultitia in patrios
incumberet, fortissime
Rex Tua sollicitè
prudencia cauit, Et oppressit recens
Crudum adhuc, Et limine virus in ipso.
quin etiam paribus
ut mutuum se nexibus,
iniuriarum amnistia
vincere possint:

Duodenarius XLIII.

Anxius ut pater olim
progenies sua quando,
obstinato pectore iras

m:
vel
decoquit, atque suam,
ut Cadmei fratres manum
in viscera armant propria,
bilemque acuunt, pereant ut funere
Mutuo: tunc ille animos inhibet, tunc
flexanima arte iruces
emollit, armis exuit,
Mentes serenat, quas fera ob-
fuscarat ira.

Duodenarius XLIV.

ipso.
Et velut Ionio in magno,
horrissoni Æolida cum
pertinaci in se duello,
turbinibus rapidis,
irarum Et aestu maximo
incubuerè; ratis
nunc ardua celo agitur, sidente nunc
aquoze in preceps ruit, Et propè furua
proximè adacta Stygi,
alternat erumnas vice
ingrata: at horror nauitam
tanti pericli

Duodenarius XLV.

Exanimavit, & atris
 ponè oculos Libitina
 territat pennis : sui nec
 ille magisterij,
 non artis ullius memor :
 clauus abit manibus,
 naus regitur dominatu fluctuum,
 vela, & antemna rapiuntur in auras :
 terq̃, quaterq̃, latus
 montes aquarum turgidi,
 magno fatigant impetu,
 proramq̃ vellunt.

Duodenarius XLVI.

Ast ubi sydus amicum
 fulsit in equore opaco, &
 fluctibus successit hora
 sudior, atque polo
 insudit optatum diem,
 seminecesq̃ viros
 grandi arcuit exitio : tunc dulcuit
 quod pati durum fuerat, tenebris cum
 obsitus, ætheream

accen-

accendit orbi sol facem,
ponti tumultuq̃ obruto
cunctos serenar.

Duodenarius XLVII.

Nè popularibus ergò
inclyta Lechica ventis
huc & illuc differatur:
exitialibus &
allisa saxis, turpia
debeat equoreis
ludibria consilij incepti Deis,
Nereo & circumflua, & obruta, fluctus
ultimaq̃ acceleret
vitæ pericla; istud tibi
qui Patriæ es verus Pater,
spectatum, & actum.

Duodenarius XLVIII.

Maxima at elogia orbis,
que Tibi splendida magno
Principum & Regum favore
sunt data, quis numeret?
insigne vel de Te Tui
iudicium populi

*narrare queat merito partum tuo ?
verius dicam meritò orbis ab armis
hosteq; Threijcio
erepti, & Euròpæ ultimo
servata ab impulsu, hostium &
immanitate.*

Duodenarius XLVIII.

*Omnigenum populorum, &
Calicolùm os meruisti,
Maximi quando Monarchæ
quem penes arbitrium est
recludere ingentis poli :
atria, postibus &
Diuùm officio irrequieto, & perpeti
ætheris sanctâ statione tenere
excubias, & opes
issinc beatas promere,
sudore questos & Deùm
partiri acervos.*

Duodenarius L.

*Maximus iste Dynasta,
religionis & alme
unicus Præstes, modò qui
officij potitur*

am san-

am sancti, Et ingentis, Tuum
grandibus elogiis,
Et compare laude, quasi ex oraculo,
fecit eternum memorabile nomen,
Lechiadumq; animos
pellexit, ut dum queritant
cui sceptrata sancta, atque imperi
vim, iusq; sacrum,

Duodenarius LI.

Credere fasq; piumq; est:
ne Tua pretereantur
gloriosis facta in orbe
proditia nominibus:
neu sanguinis pro patria
Et fide cana, adeo
usq; immemorem, male gratâ obliuio
obruat, linguaq; animoq; silenti.
nil ita frugiparens
Europa sepostum videt,
quocunq; diffusissimum
metatur orbem

Duodenarius LII.

Quod Tua remigio alto, Et

suane

suave fluentibus auris
fama non peruasit acta.
sceptringerum unde Tibi
Regum fauores maximos,
Et studio unanimi
Plausus populorum, Et amicos omnium
Principum sensus, velut omnia leta, Et
fatidicum augurium,
magnis gubernis Lechia,
tantoq; honori fascium
late potentum

Duodenarius LIII.

Protulit. ipsa Tibi Dñs
proxima Romulidarum
imperij semper potentis
innumerabilibus
Augusta Maiestas modis;
splendidè Et eximie
in luce Quiritum, oculis Et patrie
maximâ preluxit adorea honoris:
Sceptraq; Sarmatie,
rerumq; summam, dexterâ
victrice habendam, insigniter
pronuntiavit.

Duode-

Duodenarius LIV.

Hoc etiam Dominator
bellipotens opulenta
Celtibera, qui potenti
temperat imperio
Iberiam, quem diffita
ultimo in orbe paueat
Thule, occiduus vel anhelantes ubi
Cynthius demergit equos, & utrumq;
respicit Oceanum:
pollentis hic ora potens
Rex, in virorum Principum
Magnâ Coronâ

Duodenarius LV.

Quo potuit, licuitq;
extulit elogio Te.
Lechici testatus atque
promeritum imperij
vitæ periculis, & fide
haud dubiâ in patriam.
& belligeros moderatur iure qui
patrio Celtas, Rhodanumq;, Garum-
atq; Ararim, arbitrio (namq;,
infra-

*infrenat equo, Rex potens
Allobrogum, Narbonis, &
Pyrene quicquid*

Duodenarius LVI.

*Aeria ambit, & Alpes
quò sua claustra locorum
porrigunt, quod vel Britanni
equoris unda ferit,
Cis ultrà Aquitanos agens
carbasa pontigrada:
tanti in populū imperij Rex Maximus,
Christianorum fidei atq; vetustum
nec leue presidium:
in luce Regni maxima,
insigni honore, atque inclyto,
Te prosequendum,*

Duodenarius LVII.

*Fas sibi iusq; putauit:
federe quem sibi iungat
barbaros contra feroces,
Sceptra ubi Sarmatiae
faustè prehendas, calculis
voceq; Lechiadum.*

præconia

*preconia Regum, & honorata hec habes
bellicæ virtutis & alma trophæa ,
quæis tibi perpetuos
æuo triumphos postero ,
omniq; victuros modo
fixisti in orbe*

Duodenarius LVIII.

*Optime Rex. etenim in Te,
Inclita tot populorum
vota, & idem sensus equò
conueniunt studio :
orbisq; totus maximis
Te indigitat titulis.
affulsit enim aurea nobis pax Tuum
Vnicum ad nomen, nihil improba Enyo
ausa , Eridisq; statim
extinctæ & oppresse faces,
exlex nec ardor Ciuium
grassatus in se,*

Duodenarius LIX.

*Lethiferaq; Scytharum
consilùere Pharetræ.
nexibus cùm multinodis,*

indeq, & inde iterum,
hostilium irarum, foret
Sarmatia implicita:
in perniciem fera vis cum Lechicam
arma comportat, furor undiq, nostris
fulmineos iugulis
stringit, rotatq, enses, metuq,
exterret ipso, atque in dies
crebrescit eius

Duodenarius L X.

Fama mali, exitio isti
Tu quasi sydus amicum
comprimendo exurgis, atque
nobiliore modo,
tranquilla, pacata efficis
Omnia; quæis facile
spes porrigitur reducem agris urbibus,
candidam pacem fore: Cum Tibi fausta
fata dedere Lachis
magnam præesse ad gloriam,
successu & euentu optimo,
hac sorte rerum.

Duode-

Duodenarius LXI.

*Hæc ideò Tibi sceptrâ
credita prosperet, autor
qui exstitit primus, potenti ut
Sarmatiae imperio
præsis, benignusq; audias
ceu pater in populis.*

*Ille influat æthere summo gratiam,
suggeratq; excelsâ ope Consilium, quod
cuncta tibi efficiat
his arduis sub fascibus
iucunda, quæ te sospitent
annosum in ævum.*

Duodenarius LXII.

*Nunc Academia Magne
Rex, Tua vernula, semper
quæ Tibi supplex, Tuis nunc,
officiosè humilis
aduoluitur Sanctissimis
fascibus, atque sibi
concredita Regibus à Sanctissimis,
ac Tuis olim proavis, atâvisq;
iurâq; sceptrâq; ceu*

*Regni inclytum pignus Tui,
deponit ad Regis pedes.
hoc restat vnum*

Duodenarius LXIII.

*Perfugium à diuturnis
quos tulit impetibus, vel
ut breui absumatur acri
æmulo, & inuidia;
Regis salutarì aut manu,
rebus opem miseris
expectetis at erigitur postquam Tui
semper addicti sibi, & auxiliariis
numinis, in memori, &
grato reuoluit pectore,
quo canendos postero,
amplos fauores.*

Duodenarius LXIV.

*Hanc sibi spem facit, in Te
presidium locat, istud
unicum Regni Lycaum:
quod pietas, & amor
Regum potentum in literas
struxit, & undiq, vim*

contra,

*contrà, validis dedit omne in legibus
robur; hæc dum vincla tenacia solvunt,
atque suo arbitrio
fingit, refingit, quilibet
ius, Et vetustatem noua
expungit arte:*

Duodenarius LXV.

*Stare diu poterit nil,
cuncta suo dirimentur
de loco, dum sacra legum
vincula dissolunt.
felicitas verum Tua
quæ omnia tam placide
confecit, opem feret afflictis, Tuam
Dexteram implorantibus, inclyte Regū.
hoc Tibi quisq; vouet,
hoc optat, ut sospes diu,
felixq; viuas, Principum
Sol Optimorum.*



coitit, coitit coitit coitit coitit
coitit, coitit coitit coitit coitit

coitit coitit coitit coitit
coitit coitit coitit coitit
coitit coitit coitit coitit

Coitit coitit coitit coitit

Coitit coitit coitit coitit
Coitit coitit coitit coitit
Coitit coitit coitit coitit

Coitit coitit coitit coitit
Coitit coitit coitit coitit
Coitit coitit coitit coitit

Coitit coitit coitit coitit
Coitit coitit coitit coitit
Coitit coitit coitit coitit



